

# JAWAPAN

## PENULISAN

### KARANGAN RESPONS TERHAD

#### Praktis 1

Mutakhir ini, teknologi maklumat semakin penting dalam kehidupan remaja kerana banyak manfaatnya.

Teknologi maklumat mampu memperluas pengetahuan remaja. Hal ini demikian kerana, segala maklumat berada di hujung jari. Di samping itu, teknologi maklumat juga mampu memantapkan fikiran remaja. Mereka dapat meneroka pelbagai bidang ilmu dengan mudah. Selain itu, mereka juga boleh meluaskan pergaulan mereka dengan menjalinkan silaturahim dengan rakan-rakan dari serata dunia. Seterusnya, teknologi maklumat juga mampu mengembangkan bakat dan potensi remaja. Mereka boleh menggunakan platform di Internet untuk mempamerkan bakat mereka.

Kesimpulannya, banyak manfaat penggunaan teknologi maklumat. Namun begitu, remaja haruslah memanfaatkan teknologi maklumat secara bijaksana.

#### Praktis 2

Mutakhir ini, penggunaan rokok elektronik dalam kalangan murid semakin berleluasa.

Rokok elektronik banyak kesan negatif kerana boleh menjejaskan kesihatan pengguna. Hal ini kerana, cecair rokok elektronik mengandungi nikotin yang boleh merosakkan paru-paru dan jantung. Di samping itu, bahan perisa yang digunakan mampu memberikan ketagihan kepada pengguna. Akibatnya, pengguna akan berasa gelisah jika tidak dapat menghisap rokok dalam jangka masa tertentu. Penggunaan rokok elektronik ini juga akan menjejaskan prestasi akademik murid-murid. Hal ini kerana, ketagihan yang dialami oleh mereka menyebabkan mereka tidak dapat memberikan tumpuan semasa belajar. Selain itu, pengguna juga terdedah kepada risiko kecederaan kerana alat rokok elektronik mudah meletup. Lazimnya, letupan ini berlaku kerana bahan yang digunakan tidak berkualiti.

Kesimpulannya, isu ini perlu ditangani sebelum telambat, bak kata orang sebelum nasi menjadi bubur.

#### Praktis 3

Remaja mempunyai tanggungjawab kepada ibu bapa mereka. Tanggungjawab ini perlu dipikul demi manfaat remaja itu sendiri.

Remaja bertanggungjawab untuk membawa kejayaan kepada ibu bapa. Oleh itu, mereka perlu belajar dengan bersungguh-sungguh untuk membanggakan ibu bapa mereka. Selain itu, remaja perlu meringankan beban ibu bapa mereka

dengan membantu mereka semasa di rumah. Pertolongan tersebut walaupun kecil tetapi besarnya erti kepada ibu bapa. Selain itu, remaja perlu menjaga nama baik keluarga. Mereka perlu menampilkan akhlak yang mulia dan mengelakkan diri daripada terjebak dalam gejala sosial. Seterusnya, para remaja haruslah meluangkan masa bersama-sama ibu bapa. Selain dapat mengeratkan hubungan, ibu bapa dapat merasakan bahawa diri mereka amat dihargai.

Tegasnya, remaja tidak harus memandang ringan akan tanggungjawab mereka terhadap ibu bapa. Janganlah bersikap kacang lupakan kulit.

#### Praktis 4

Kegiatan kokurikulum wajib disertai oleh murid-murid. Terdapat tiga jenis kegiatan kokurikulum, iaitu persatuan, unit beruniform, dan sukan. Aktiviti kokurikulum ini banyak manfaat kepada murid-murid.

Kegiatan kokurikulum mampu meningkatkan perpaduan dalam kalangan murid. Hal ini kerana, mereka akan saling berinteraksi untuk menjayakan sesuatu kegiatan. Selain itu, kegiatan kokurikulum mampu melatih sikap kepimpinan dalam kalangan murid. Untuk menggerakkan aktiviti persatuan, murid-murid ini akan diberikan jawatan-jawatan yang tertentu. Di samping itu, murid-murid juga boleh menambahkan ilmu pengetahuan. Contohnya, belajar mengikat anduh dalam Persatuan Bulan Sabit Merah. Seterusnya, kegiatan kokurikulum dapat juga mengisi masa lapang murid secara berfaedah. Hal ini dapat mengelakkan mereka terlibat dengan gejala sosial.

Kesimpulannya, murid-murid haruslah melibatkan diri secara aktif kerana mereka ialah tonggak masa depan negara.

### KARANGAN RESPONS TERBUKA

#### 1. Pendahuluan:

alam sekitar yang terbentang luas dan terpampang luas ini merupakan anugerah Tuhan yang tidak ternilai harganya – kini manusia semakin lupa akan tanggungjawab mereka untuk menjaga alam sekitar – antara yang terjejas teruk akibat perbuatan manusia yang tidak bertanggungjawab ini ialah sungai – punca-punca yang menyebabkan terjadinya pencemaran ini perlulah dikenal pasti dan ditangani segera – jangan sudah terhantuk barulah tengadah

#### Isi-isi penting:

- (a) pembuangan sampah sarap ke dalam sungai – sungai akan dipenuhi bahan-bahan terbuang dan plastik sampah yang terapung pada permukaan air sungai – warna air sungai akan bertukar kepada kehijau-hijauan dan kehitam-hitaman – sumber air manusia akan tercemar dan hidupan akuatik akan musnah serta menghasilkan bau yang busuk

- (b) pencemaran sungai juga boleh berlaku akibat pembuangan sisa-sisa daripada kilang – sisa-sisa buangan daripada kilang yang dibina berhampiran dengan tepi sungai akan dialirkan terus ke dalam sungai untuk melupuskan sisa buangan dengan cara yang lebih mudah – sikap pengusaha kilang yang terbabit diibaratkan seperti enau dalam belukar, melepaskan pucuk masing-masing – bahan-bahan kimia dan sisa-sisa toksik akan mencemarkan sungai dan sekali gus akan merendahkan kualiti air dan hidupan akuatik sudah tidak sesuai untuk mendiami sungai itu
- (c) kegiatan pembalakan juga antara punca pencemaran sungai – bertujuan untuk industri pembuatan dan pembangunan – pencemaran sungai akan berlaku susulan kelonggaran ikatan zarah tanah disebabkan matinya akar yang mengikat struktur tanah tersebut – hakisan tanah akan berlaku dengan lebih mudah dan menyebabkan tanah tersebut akan mencemari sungai – pembuangan kayu-kayu dan ranting-ranting pokok juga akan menyebabkan aliran sungai-sungai tersekat – kualiti air bagi tujuan domestik akan berkurang berikutan pemendapan tanah yang banyak dalam air sungai
- (d) aktiviti pertanian juga dikenal pasti sebagai punca pencemaran air – pengilangan hasil-hasil pertanian banyak menghasilkan bahan kimia cecair yang disalurkan ke dalam sungai – hampas-hampas organik yang menjadi bahan buangan pemprosesan dibuang ke dalam sungai – penggunaan baja, pestisid, dan insektisid untuk membunuh haiwan perosak mencemarkan sumber air – menghalang penembusan cahaya ke bawah permukaan air – mengakibatkan kematian tumbuh-tumbuhan dan hidupan akuatik

**Penutup:**

ketelitian yang lebih mendalam hendaklah dilakukan terhadap punca-punca yang menyebabkan pencemaran sungai – usaha-usaha menangani masalah pencemaran sungai ini dapat dijalankan dengan lebih efektif – mencegah lebih baik daripada mengubati – diharapkan agar pencemaran sungai dapat ditangani dengan kadar segera – generasi pada masa hadapan dapat merasai dan menikmati alam sekitar yang diwarisi tanpa sebarang pencemaran

**2. Pendahuluan:**

kami sekeluarga menaiki bot dari Jeti Merang ke Pulau Redang – melihat keindahan laut – perjalanan ke Pulau Redang mengambil masa lebih kurang 45 minit

**Isi-isi penting:**

- (a) tiba di jeti Pulau Redang – beberapa buah kereta bugi sudah menunggu ketibaan rombongan kami – membawa beg masing-masing – menuju ke tempat penginapan kami

- (b) selepas mendapat kunci bilik hotel – kami berehat untuk melepaskan lelah – melalui bilik kami – terpegun melihat keindahan pantai di hadapan resort – pasirnya putih – air kebiru-biruan – kami menikmati hidangan tengah hari di dewan makan
- (c) selepas solat asar kami ke laut – mandi-manda – saya dan adik menggunakan pelampung – tidak mahir berenang – ayah mengajar kami berenang – adik menjerit apabila dihempas ombak – kami tertawa melihat gelagat adik
- (d) keesokan paginya kami mengikuti aktiviti snorkeling – kami berasa sungguh seronok – dapat melihat keindahan batu karang di dasar laut – ayah banyak membantuku untuk menyelam – dapat melihat keindahan batu-batu karang yang berwarna-warni dengan lebih dekat

**Penutup:**

keesokan paginya selepas bersarapan – berkemas-kemas untuk pulang – percutian ke Pulau Redang sungguh menyenangkan – merapatkan hubungan kekeluargaan – menimba pelbagai pengalaman dan pengetahuan baharu

**3. Pendahuluan**

kata alu-aluan kepada pengerusi majlis – pengarah pelajaran negeri, pengetua, guru-guru, dan rakan-rakan – ucapan terima kasih kerana diundang – menyatakan tajuk ceramah

**Isi-isi penting:**

- (a) pemeliharaan alam sekitar akan menjamin keseimbangan alam – oksigen yang kita perlukan untuk bernafas dibebaskan oleh tumbuh-tumbuhan di sekeliling kita – persekitaran yang bersih membolehkan kita menyedut udara yang segar – menjamin kesihatan yang baik
- (b) persekitaran yang kotor akan menyebabkan pembiakan vektor yang dapat mengancam nyawa manusia – nyamuk aedes – menyebabkan demam denggi – nyamuk tirus boleh menyebabkan penyakit malaria – makanan yang dihurungi lalat akan menyebabkan kesihatan manusia terjejas
- (c) alam sekitar merupakan sumber keperluan hidup kita – contohnya sungai yang merupakan sumber air – pencemaran sungai yang berlaku – sukar untuk mendapatkan air yang bersih – laut yang tercemar – menjejaskan hidupan laut yang menjadi sumber makanan
- (d) alam sekitar yang bersih dan terpelihara – daya tarikan para pelancong – menjadi sumber ekonomi negara – meningkatkan pertukaran wang asing – para peniaga akan mendapat keuntungan – membuka peluang pekerjaan kepada penduduk tempatan

**Penutup:**

semua pihak perlulah bekerjasama dalam memelihara alam sekitar – hadiah yang tidak ternilai kepada generasi yang akan datang – marilah sama-sama menyayangi dan menyelamatkan alam sekitar daripada dimusnahkan – ucapan terima kasih